



ურთიერთთანამშრომლობის მემორანდუმი

სახელმწიფო რწმუნებულის ადმინისტრაციასა (ადგენის, ასპინძის, ახალციხის, ახალქალაქის, ბორჯომის, ნინოწმინდის მუნიციპალიტეტში) და სამცხე-ჯავახეთის სახელმწიფო უნივერსიტეტს შორის

ქ. ახალციხე

28.05.2019 წელი

ერთი მხრივ, სახელმწიფო რწმუნებულის ადმინისტრაცია (ადგიგენის, ასპინძის, ახალციხის, ახალქალაქის, ბორჯომის, ნინოწმინდის მუნიციპალიტეტებში) წარმოდგენილი სახელმწიფო რწმუნებულის ბესიკ ამირანაშვილის სახით და მეორე მხრივ, სსიპ სამცხე-ჯავახეთის სახელმწიფო უნივერსიტეტი წარმოდგენილი რექტორის მაკა ბერიძის სახით, აღიარებენ რა ორმხრივ ინტერესს, ურთიერთთანამშრომლობით ხელი შეუწყონ განათლების სფეროში ურთიერთობების გაღრმავებას, ერთობლივი ღონისძიებების დაგეგმვას, ორგანიზაციულ ხელშეწყობას, სტუდენტებისა და საჯარო მოხელეების კვალიფიკაციის ამაღლებას და პროფესიული უნარ-ჩვევების გამომუშავებას, გამოხატავენ ინტერესს ინგლისური ენის პოპულარიზაციის და ხელშეწყობის კუთხით და თანხმდებიან შემდეგზე:

მუხლი 1. ურთიერთანამშრომლობის მიზანი

წინამდებარე მემორანდუმის მიზნებია:

- ა) მხარეთა თანამშრომლობის ხელშეწყობა უმაღლეს საგანმანათლებლო დაწესებულებასთან ურთიერთობების გაღრმავების კუთხით, რაც ხელს შეუწყობს პიროვნული პოტენციალის რეალიზებას, შრომის ბაზარზე უმაღლესი განათლების მქონე პირთა კონკურენტუნარიანობის ზრდას, კვალიფიკაციის ამაღლებას და გადამზადების მოთხოვნილებათა დაკმაყოფილებას.

ბ) სტუდენტების მიერ სასწავლო პროცესში მიღებული ცოდნის პრაქტიკული საქმიანობით განმტკიცებისა და პრაქტიკული უნარ-ჩვევების გამომუშავების ხელშეწყობა;

- გ) სტუდენტებისათვის მოტივაციის ამაღლება ;
- დ) გამოცდილების გაზიარება და პროფესიული უნარების ჩამოყალიბების ხელშეწყობა;
- ე) საერთო ინტერესის სფეროებთან დაკავშირებული, ერთობლივი შეხვედრებისა და სხვა ტიპის ღონისძიებების დაგეგმვა და განხორციელება.

მუხლი 2. თანამშრომლობის ფარგლები

ამ მემორანდუმით გათვალისწინებული მიზნების მისაღწევად, მხარეთა თანამშრომლობა გულისხმობს:

- სსიპ სამცხე-ჯავახეთის სახელმწიფო უნივერსიტეტის სტუდენტებისათვის სახელმწიფო რწმუნებულის ადმინისტრაციის საჯარო მოხელეთათვის ინგლისური ენის სწავლების გზით, სასწავლო პროცესში მიღებული ცოდნის პრაქტიკული საქმიანობით განმტკიცებისა და პროფესიული უნარ-ჩვევების გამომუშავების შესაძლებლობის მიცემას;
- სახელმწიფო რწმუნებულის ადმინისტრაციაში შესაბამისი საბაკალავრო პროგრამის პრაქტიკის კომპონენტის განხორციელებაში დახმარებას;
- პერიოდულად, სტუდენტების სამხარეო ადმინისტრაციაში დასაქმებულ საჯარო მოხელეებთან შეხვედრა ცოდნისა და გამოცდილების გასაზიარებლად, აგრეთვე მათ ინტერესებში შემავალ სხვადასხვა საკითხთა განხილვის მიზნით.

მუხლი 3. მხარეთა უფლებამოსილებანი

მხარეებს უფლება აქვთ ერთობლივი ღონისძიებების ჩატარებისა და ერთობლივი პროექტების განხორციელებისათვის გამოიყენონ მეორე მხარის კუთვნილი რესურსები (მატერიალური და ადამიანური რესურსი) კონკრეტული ღონისძიებისა თუ პროექტის მიზნების რეალიზებისათვის.

მუხლი 4. დასკვნითი დებულებები

- მემორანდუმის საფუძველზე თანამშრომლობის დამატებითი მიმართულებები და ფარგლები შესაძლებელია განისაზღვროს მემორანდუმის საფუძველზე გაფორმებული ხელშეკრულებით;
- წინამდებარე მემორანდუმში მხარეთა წერილობითი შეთანხმების საფუძველზე შეიძლება შეტანილ იქნეს ცვლილებები და დამატებები;

- მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ სხვა გადაწყვეტილების მიღებამდე;
- მემორანდუმის მოქმედება შეიძლება შეწყდეს მხარეთა ინიციატივით. მემორანდუმის მოქმედების შეწყვეტის ინიციატორი მხარე ვალდებულია ამის თაობაზე არაუგვიანეს 1 თვისა აცნობოს მეორე მხარეს.
- მემორანდუმი შედგენილია თანაბარი იურიდიული ძალის მქონე ორ ეგზემპლიარად და ინახება მხარეებთან.

მხარეთა რეკვიზიტები და ხელმოწერა

სახელმწიფო რწმუნებულის ადმინისტრაცია

(ადიგენის, ასპინძის, ახალციხის, ახალქალაქის,

ბორჯომის და ნინოწმინდის მუნიციპალიტეტებში)

შესივ ამირანაშვილი

სახელმწიფო რწმუნებული

შ. ახალციხელის ქ. N2

ახალციხე, საქართველო

ტელ: (+995 365) 22 14 34

www.gubernia@s-j.gov.ge

სსიპ სამცხე-ჯავახეთის სახელმწიფო უნივერსიტეტი

მაკა ბერიძე

რექტორი

რუთაველის ქ. N 113

ახალციხე, საქართველო

ტელ: (+995 365) 22 19 90

contact@sjuni.edu.ge